

29/01/1997

PM berbuka puasa di Kubang Pasu, Langkawi

ALOR STAR, Selasa - Datuk Seri Dr Mahathir Mohamad dijadual pulang ke Kedah untuk berbuka puasa bersama-sama umat Islam tahun ini - dua kali di Kubang Pasu dan sekali di Langkawi.

Menurut wakil peribadi beliau di Kubang Pasu, Saad Hashim, Perdana Menteri dijadual menghadiri majlis berbuka puasa di Universiti Utara Malaysia (UUM), Sintok, pada 30 Januari dan di Masjid Kepala Batas, pada 6 Februari.

Beliau juga dijadual menghadiri majlis berbuka di Ayer Hangat, Langkawi, 3 Februari.

Setibanya di Alor Star petang Khamis ini, Dr Mahathir akan ke kediamannya di Titi Gajah untuk menyaksikan Datin Seri Dr Siti Hasmah Mohamed Ali menyampaikan bantuan hari raya sumbangan Badan Amal dan Kebajikan Tenaga Isteri Menteri dan Timbalan Menteri (Bakti).

(END)